

**Date – 23/11/2025**

**Time - 7:30 -7:40 Hrs**

**AKASHVANI AIZAWL**

## **REGIONAL NEWS BULLETIN**

### **HEADLINES (MORNING)**

- 1. I&PR Minister Pu B.Lalchhanzova'n chhim lam kawtchhuah hmasawna tura hmachhawp tih hlawhtlin theih nan ZPM sawrkarin theihtawp a chhuah tih a sawi.**
- 2. School Education Minister Dr Vanlalhlana'n academic session kal mek, third term atanga zirlaiten zawhna inang an chhan tur chuan zirnaah danglamna a siam a beisei tih a sawi.**
- 3. UD&PA Minister Pu K. Sapdanga hovin nimin khan Bawngkawn leh Durtlang inkar kawng, cheng vbc 15 senga chei that dan tur enfiah a ni.**
- 4. Prime Minister Narendra Modi chuan khawvel hmasawna tehna hrang hrangte chu uluk taka ngaihtuah nawn leh a phut.**

<><><>

### **I&PR MINISTER**

**I&PR Minister Pu B.Lalchhanzova'n chhim lam kawtchhuaha hmasawna tura hmachhawp tih hlawhtlin theih nan ZPM sawrkarin theihtawp a chhuah tih a sawi.**

**Lawngtlai Press Club-a thuthar thehdarhtute a kawmna ah he thu hi sawiin Pu B. Lalchhanzova chuan chhim lama hmasawna awm tura hmachhawp hrang hrangah chhim mipuite nen inrawnkhawma hnathawh zel tum ani tih sawiin a taka a hlawhtlin theih nan sawrkarin thehtawp a chhuah a ti a, chhim lam kawtchhuah tih hlawhtlin kawngah theihtawp an chhuah thu a sawi.**

**ZPM Gen.Hqrs a Media Chairman Pu B.Lalchhanzova chuan LADC Inthlanpui neih tur chu ZPM in ala urhsun hle a ti a, LADC ah Kalphungthar Sorkar a pian ngei a beisei thu sawiin, Lai Autonomous District Council mipui tan hmasawna leh ram damna bultanna tur a ni a ti.**

**I&PR Minister chuan ZPM Party ah kalphung tharin nghawng a neih chu, mahni Party mite chauh duhsak bik an nilo chu a ni tiin, Gen Hqrs lam ah pawh an Party mite chuan duhsak bik an hlauh loh vangin an vui thin a ti a, kalphung thara ram hruaina ah a hlawkna ram in a tel chho mek tih a sawi.**

**LADC Inthlanpui neih turah Congress leh MNF chuan thawhdunna thuthlung an siam nia sawiin Pu B.Lalchhanzova chuan Party pahnih, englaimaha inremlo, tumdan hrang nei an thawhdun theihna chhan chu ZPM lian zel tur dan duhna vang a ni a ti a, an thawhdunna ah hian ram hmangaihna a tello tih sawiinLADC in hmasawna rahbi diktaka a rah theih**

**nan inthlanpui ah Lairam mipuite chu thawhpuih sawmin, Lairam ah Politics kalphungthar din chu an tumber a nih thu a sawi.**

<><><>

## **LADC POLL**

**Member 25 awmna Lai Autonomous District Council (LADC) inthlan lo awm tur atan a inbuatsaihna kal zelah nimin khan Dispatch and Receiving Team-te pualin DRDO Conference Hall-ah Training buatsaih a ni a, District Election Officer (DEO) Pu Donny Lalruatsanga'n a hmanpui.**

**Pu Donny Lalruatsanga chuan inthlanna fel fai leh thianghlim nei turin mawhpurhna hrang hrang nei ten theihtawp chhuah a tul hle a ti a. A bik takin Official-te'n tihsual nei lo tura fimkhur a pawimawh hle a ni, a ti. Dispatch and Receiving Team-te an pawimawhin, mawhpurhna lian tak an nei tiin, tha taka an hna hlen turin a chah a. DEO chuan tihsual awm lo tura tha taka training nei tur a chahin, duhsakna a hlan nghal bawk.**

**Nimin training-ah hian Dispatch and Receiving Team-te mawhpurhna hrang hrang, tih tur leh tih loh tur, hriat tur pawimawh leh tul dangte inzirtirna hun hman a ni a. Pu Gilbert Lalhlimpaia, (Master Trainer) leh Pu Collin Hlychho (Election Officer) - te chuan training- hi an pe a ni.**

<><><>

## **SCHOOL EDUCATION MINISTER**

**School Education Minister Dr Vanlalhlana'n academic session kal mek, third term atanga zirlaiten zawhna inang an chhan tur chuan zirnaah danglamna a siam a beisei tih a sawi.**

**Nimina Government Khawrihnim Primary School Centenary lawmna Khawrihnim Primary School tual zawla neih a hmanpuina ah thu sawiin, School Education Minister chuan, Mizoram zirnain hma a sawn theih nan tun session-a third term atangin zirlaiten zawhna in ang an chhang dawn a ti a, hei hi Government, Deficit leh Adhoc Grant in aid school-a pawl 5 atanga pawl 8 zirlaite chhan tur niin, hei hian zirnaah danglamna a siam ang tih a beisei a ti a ni.**

**Govt. Khawrihnim Primary School hi kum 1901 khan thingtlanga school enchhin 3 zingah a tel a. Kum 1925 atangin chhum lo chat lova kalpui a ni a, kumin hian zirlai 51 an awm mek a ni.**

<><><>

## **AIR NEWS ON SOCIAL MEDIA**

**Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.**

**Vawiin chawhnu dar 2 leh a chanve-ah Chanchinthar puan leh a ni ang.**

<><><>

## **HACHHEK**

**Hachhek Bial Kuhva Chingtu Pawl (HBKCP) chuan an kuhva thar te hralh mekin tunah hian cheng nuai 5000 chuang man an hralh tawh.**

HBKCP General Secretary Pu Victor MS Dawngliana chuan Akashvani zawhna chhangin kumina an kuhva hralh tawh zat chu a chiah chiah an la sawi thei lo a. Tuna an hriat theih chinah cheng nuai sang 4 za 4 chuang man an hralh tawh thu sawiin khaw 7 la in report lo atanga lut tawha ngaih cheng nuai 600 chuang nena chhut chuan cheng nuai sang 5 chuang hret a nih dawn thu a sawi a, fur kuhva man rawn belhchhah tur a la awm nual bawk thu a sawi a ni.

Pu Victor MS Dawngliana chuan kuhva hi nakum April thla thleng hralh an tum thu sawiin an kuhva leitu chu Assam lam atanga sumdawngte an nih tlangpui thu a sawi a. A tam zawk chu an ni hian leiin anni bakah hian Tripura atang pawhin an rawn lei nual thu an sawi a. Kuhva hralh kawngah an pawl chuan kuhva par hma atangin ruahmanna fel tak siamin a hralhna tur lam pawh fimkhur taka ruahman lawkin Mizoram leh Assam sorkar pawh vawi duai lo an dawr tawh thu a sawi a. Hetihruah hian harsatna hrang hrang pawh an tawh thin thu leh kuhva leitu rinawm lo pawh an tawn ve zeuh zeuh thu an sawi a. Pawl anga theihtawpa hma an lak zel thu an sawi a ni.

Pu Victor MS Dawngliana chuan an pawl hnuai khaw hrang hrangte hlawhtlinnaah an lawm thu leh a hralh tha zual khaw 10 thlanchhuah an tum thu a sawi a. Kuhva hi an huamchhungah kum 1950 chho atanga an chin tan thu leh kuhva man chu kum 1987 atanga pangngai taka an tel chhoh tan thu an sawi a ni.

<><><>

**UD&PA MINISTER**

UD&PA Minister Pu K. Sapdanga hovin nimin khan Bawngkawn leh Durtlang inkar kawng, cheng vbc 15 senga chei that dan tur enfiah a ni.

UD&PA department bultuma Bawngkawn leh Durtlang inkar kawng chei thatna tur atan hian cheng vbc 15 sanction niin, tender chhuah mek a ni a, nimin khan UD&PA Minsiter Pu K. Sapdanga hovin AMC hotute, UD&PA thuneitute leh veng pahnih khawtlang hruaituten kawng chei that dan tur an enfiah a, ruahman dan chuan khualzin leh khawtual mite tana tlawh chakawm tak tur siam a ni dawn a, kawng thlang lam hmun hrang hrangah khawthlirna, hahchawlhna, open gym, naupang tualchaina leh inthiarna hmunte siam a ni dawn a, hnathawh tan atanga kum khat veka zawhfel theih beisei a ni.

Hei bakah hian Leitan atanga Leitan te, chu lirthei kaltlang theiha siam tum a ni a, hemi atan hian cheng nuai 120 vel ruahman niin, karleh atangin hna tan hman beisei a ni.

<><><>

**G-20 PM**

Prime Minister Narendra Modi chuan khawvel hmasawanna tehna hrang hrangte chu uluk taka ngaihtuah nawn leh a phut.

Zirtawpni khan Johannesburg, South Africa-a G20 Leaders' Summit session hmasa berah thu a sawi a, G20 hian hun rei tak chung khawvel sum leh pai leh hmasawanna a thlen a amaherawh chu, model hman mekte chuan ramngaw a ti chhe chaka, Africa ramah harsatna nasa tak a thlen tih a sawi. New Delhi Summit atanga thutlukna thenkhat tha tak tak te chu kalpui a nih thu a sawi bawk.

**‘One Earth, One Family, One Future’ denchhanin, India ram a zung kai nghet tak Integral Humanism chu khawvel hmasawna nen inrem tak niin a sawi baw a.**

**PM Modi chuan rawtna pawimawh tak tak pali a nei a, G20 hnuaiah Global Traditional Knowledge Repository (ram leh hnam chanchin dahkhawmna) din a rawt a. Indian Knowledge Systems-a din tawh zulzuiin, khawvel pum huapa ram leh hnam chungchang hriatna platform atan a tha dawn niin a sawi.**

**G20 Africa-Skills Multiplier Initiative a rawt baw a, hei hian kum sawm chhungin Africa-ah certified trainer maktaduai khat chhuah a tum a, sector hrang hranga train-the-trainers model hmanga hmasawn theihna tur a siam a, hei hian tualchhung theihna leh hun rei tak chhunga hmasawna a tipung a dawn niin a sawi.**

**G20 Global Healthcare Response Team din a rawt baw a, G20 ram atanga medical lama mi thiamten, health emergency leh natural disaster-a thlenin rang taka pui thei tura tih an nih tur thu a sawi.**

**Ruihhlo tawlhrukna hlauhawm zual zel, fentanyl ang chi thil hlauhawm tak takte pawh tiamin, G20 Initiative on Countering the Drug-Terror Nexus kalpui a rawt baw a ni.**

